

Inzko apelira na političke stranke da dogovore rješenje za Mostar



Visoki predstavnik Valentin Inzko i prvi zamjenik visokog predstavnika Roderick Moore danas su se u Sarajevu susreli sa predsjednikom SDA Sulejmanom Tihićem. Razgovarali su, između ostalog, i o predstojećim općinskim izborima i situaciji u Mostaru.

Visoki predstavnik Inzko je apelovao na stranke da ubrzaju rad na provedbi odluke Ustavnog suda BiH o izbornom sistemu u Mostaru prije sljedećih općinskih izbora. „Ističe vrijeme za usvajanje neophodnih reformi“, upozorio je Inzko. „Rješenje mora biti nađeno prije maja, ako želimo da u Mostaru budu raspisani općinski izbori.“

Visoki predstavnik je apelovao na političke stranke da se angažuju u domaćem procesu kako bi se omogućilo održavanje izbora. „Odluka Ustavnog suda odnosi se isključivo na način na koji se izbori provode – to se može ostvariti uz minimalne izmjene,“ rekao je visoki predstavnik Inzko.

Govoreći o prijedlogu za promjenu vremena održavanja lokalnih izbora, Inzko je rekao da to pitanje treba da razmotre domaće institucije u skladu sa Ustavom i važećim zakonima. Naveo je da postoji više opcija za promjenu mandata općinskih vlasti, koje bi bile u skladu sa međunarodno priznatim demokratskim standardima, kako bi se ubuduće općinski i opći izbori mogli

održavati u isto vrijeme.